

121A.03 QAUV NTAWM TXHOJ CAI.

Seem me 1. **Qauv ntawm txhooj cai.** Tus thawj coj yuav tsum tau khaws cia thiab ua kom muaj rau pawg tsav xwm kev kawm ntawv ib tug qauv hais txog kev sib zes txog kev sib deev, dab qhuas thiab lwm haiv neeg thiab txhooj cai hais txog kev ua kub ntxhov. Tus qauv ntawm txhooj cai yuav tsum tau hais txog qhov yuav tsum ua hauv seem me 2, thiab txhawb kev tiv thaiv kom tsis txhob muaj kev kub ntxhov thiab cov kev pab qhia coj cwj pwm kom zoo, uas xwm yeem nrog seem 120B.232, seem me 1, los tiv thaiv thiab txo cov kev ua txhaum txhooj cai.

Seem me 2. **Kev sib zes txog kev sib deev, dab qhuas, thiab lwm haiv neeg thiab txhooj cai hais txog kev kub ntxhov.** Ib pawg tsav xwm kev kawm ntawv yuav tsum tau tsim kom muaj ib txhooj cai hais txog kev sib zes txog kev sib deev, dab qhuas, thiab lwm haiv neeg thiab txhooj cai hais txog kev kub ntxhov txog kev sib deev, dab qhuas, thiab lwm haiv neeg raws li hauv tshooj 363A. Txhooj cai no yuav siv rau cov tub ntxhais kawm ntawv, cov kws qhia ntawv, cov thawj coj, thiab lwm cov neeg ua hauj lwm hauv tsev kawm ntawv, nrog rau cov txheej txheem ntawm kev qhia, thiab teeb cov kev rau txim uas yuav muaj yog tias ua txhaum txhooj cai. Cov kev rau txim yuav tsum tau ua raws li cov kev cog lus ntawm cov neeg ua hauj lwm thiab chaw ua hauj lwm (collective bargaining) thiab cov seem 121A.41 txog 121A.56. Txhooj cai yuav tsum tau muab lo rau ib qho chaw uas neeg yuav pom thooj plaws hauv lub tuam tsev kawm ntawv, muab rau txhua tus neeg ua hauj lwm hauv cheeb tsam thiab cov neeg ua hauj lwm uas ntiav sab nraud tuaj thaum lub sij hawm tus neeg ntawd cog lus ua hauj lwm, thiab muaj nyob rau hauv txhua phau ntawv qhia rau tus tub ntxhais kawm ntawv txog tsev kawm ntawv cov txhooj cai. Txhua lub tsev kawm ntawv yuav tsum tau tsim ib tug txheej txheem rau kev sib tham txog tsev kawm ntawv txhooj cai hais txog kev sib zes txog kev sib deev, dab qhuas, thiab lwm haiv neeg thiab txhooj cai hais txog kev kub ntxhov nrog cov tub ntxhais kawm ntawv thiab cov neeg ua hauj lwm hauv tsev kawm ntawv.

Seem me 3. **Xa ntawv mus rau tus thawj coj.** Txhua pawg tsav xwm kev kawm ntawv yuav tsum tau xa ib daim qauv ntawm tsab cai hais txog kev sib zes txog kev sib deev, dab qhuas, thiab lwm haiv neeg thiab tsab cai hais txog kev kub ntxhov txog sib deev, dab qhuas, thiab lwm haiv neeg uas pawg tsav xwm tau tsim muaj rau tus thawj coj.

121A.0695 PAWG TSAV XWM KEV KAWM NTAWV TXHOJ CAI; TXWV TSIS PUB MUAJ HAIS LUS SAIB TSIS TAUS THIAB KEV THAB PLAUB.

Txhua pawg tsav xwm yuav tsum tau tsim kom muaj ib txhooj cai sau hais txog kev txwv tsis pub muaj hais lus saib tsis taus thiab thab plaub rau ib tug tub ntxhais kawm ntawv twg. Tsab cai no yuav hais txog hais lus saib tsis taus thiab kev thab plaub tsis hais yog yam zoo li cas, tiam sis tsis yog tas rau, kev siv cov twj uas siv hluav taws xob (electronic) thiab kev siv Internet.

121A.05 TXHOIJ CAI QHIA TXOG COV NEEG TAU PHOM MUS RAU LWM QHOV.

Pawg tsav xwm kev kawm ntawv yuav tsum tau muaj ib txhooj cai tias kom cov coj hauv lub tsev kawm ntawv yuav tsum tau, thaum sai li sai tau, xa tus tub ntxhais kawm ntawv uas nqa phom tuaj rau hauv tsev kawm ntawv tsis raug cai ntawd, mus rau ntawm qhov chaw hais cov neeg ua txhaum cai (criminal justice) los yog qhov chaw hais cov me nyuam ua txhaum cai, raws li tsim nyog.

121A.035 TXHOIJ CAI TSWJ XWM TXHEEJ CEEV.

Seem me 1. **Qauv ntawm txhooj cai.** Tus thawj coj yuav tsum tau khaws cia thiab ua kom muaj rau pawg tsav xwm kev kawm ntawv thiab cov tsev kawm ntawv charters ib tug qauv hais txog kev tswj xwm txheej ceev uas muaj xws li, nrog rau lwm yam, qhov muab tsev kawm ntawv kaw tsis pub neeg nkag los thiab tawm mus thiab cov kev cob qhia seb yuav ua li cas thaum muaj khaub lig cuab, xwm yeem nrog seem me 2, thiab kev cob qhia seb yuav ua li cas thaum muaj hluav taws hauv tsev kawm ntawv raws li hauv seem 299F.30.

Seem me 2. **Cheeb tsam tsev kawm ntawv thiab lub tsev kawm ntawv charter txhooj cai.** Ib pawg tsav xwm kev kawm ntawv thiab ib lub tsev kawm ntawv charter yuav tsum tau muaj ib txhooj cai los tswj xwm txheej ceev los hais txog qhov uas tej zaum yuav muaj kev kub ntxhov loj hauv cheeb tsam los yog lub tsev kawm ntawv charter. Txhooj cai yuav tsum tau yog tsim ua ke nrog cov thawj coj, cov kws qhia ntawv, cov neeg ua hauj lwm, cov tub ntxhais kawm ntawv, cov niam txiv, cov tswv cuab hauv lub zej zos, cov koom haum tub ceev xwm, lwm cov neeg coj hauv kev pab tswj xwm txheej ceev, cov neeg pab kho mob thaum muaj xwm txheej ceev, lub nras tus kws lij choj cov chav fai, cov koom haum muab kev pab neeg, cov neeg muab kev pab thaum muaj xwm ceev, thiab lwm cov neeg los yog koom haum uas tsim nyog. Txhooj cai yuav tsum tau muaj yam tsawg tsib qhov kev sim muab tsev kawm ntawv kaw tsis pub neeg nkag los thiab tawm mus, tsib qho kev sim cob qhia thaum muaj hluav taws raws li seem 299F.30, thiab ib qho kev cob qhia thaum muaj khaub lig cua.

121A.69 TXHOIJ CAI HAIS TXOG KEV SIB THAB.

Seem me 1. **Cov ntsiab txhais.** (a) "Kev sib thab" txhais tias yog ib qho kev ua rau ib tug tub ntxhais kawm ntawv, los yog yuam ib tug tub ntxhais kawm ntawv kom ua ib yam dab tsi, uas yuav ua rau kom ib tug neeg raug mob mas tus tub ntxhais kawm ntawv ntawd thiaj li nkag tau los yog koom tau rau hauv ib lub koom haum rau cov tub ntxhais kawm ntawv.

(b) "Koom haum rau tub ntxhais kawm ntawv" txhais tias yog ib pawg neeg, ib lub koom haum me, los yog ib lub koom haum loj uas cov tub ntxhais kawm ntawv yog thawj cov tswv cuab los yog cov neeg koom rau hauv.

Seem me 2. **Qauv ntawm txhooj cai.** Tus thawj coj yuav tsum tau khaws cia thiab ua kom muaj rau pawg tsav xwm kev kawm ntawv ib tug qauv hais txog kev sib thab rau ib tug tub ntxhais kawm ntawv los yog tus neeg ua hauj lwm uas hais txog qhov yuav tsum tau ua hauv seem me 3.

Seem me 3. **Tsav xwm kev kawm ntawv txhooj cai.** Txhua pawg tsav xwm kev kawm ntawv yuav tsum tau tsim ib txhooj cai sau los tswj kev sib thab rau ib tug tub ntxhais kawm ntawv los yog ib tug neeg ua hauj lwm. Yuav tsum tau siv txhooj cai rau tus tub ntxhais kawm ntawv tus xeeb ceem uas tshwm sim rau hauv los yog tawm hauv tsev kawm ntawv thiab thaum lub sij hawm kawm ntawv thiab tom qab lub sij hawm kawm ntawv. Txhooj cai yuav tsum tau muaj cov txheej txheem hais txog kev qhia thiab kev rau txim rau yog ua txhaum txhooj cai. Cov kev rau txim rau yuav tsum tau tsim nyog txaus kom thiaj li tsis ua txhaum ntxiv lawm thiab rau txim kom tsim nyog kom tsis txhob coj tus xeeb ceem ntawd ntxiv lawm. Cov kev rau txim yuav tsum tau ua raws li hauv cov seem 121A.41 txog 121A.56. Txhua lub tsev kawm ntawv yuav tsum tau muaj txhooj cai no nyob hauv tus tub ntxhais kawm ntawv phau ntawv qhia hais txog cov txhooj cai hauv tsev kawm ntawv.